

■ COLUMNA

L'avantatg da las enconuschentschas dal lieu

DAD ANDREA LUZIUS RASSEL,
KREUZLINGEN

Suenter ina perioda da privaziun che ha cuzzà 22 onns ha puspè ina giada in Talian gudagnà il maraton da Venezia. L'um che curra per il club da maraton local nun era fin da qua fitg enconuschent en la scena da curriders. El ha dentant victorisà tut ils favorits sco Abdulahl Dawud, Gilbert Kipling Chumba, Kipkemei Mutai and David Kiprono Metto. Quai è gartegià ad el grazia a sias enconuschentschas dal lieu. Ils favorits eran già in per tshient meters oravant cura ch'in motociclist che vess gì da musсар la via als curriders ha



sbaglià via ed ha manà en err la grappa a la testa da la cursa. Nagin dals gronds favorits ha s'accurschì. Però il currider local ha natiralmain enconuschì sia ruta tras il martgà da Venezia. El n'è betg suandà la grappa, anzi, el è currì tut ch'el pudeva en la gista direcziun. Fin che la grappa dals favu-

rits aveva s'accurschì l'errur er'igl già memia tard.

L'um dal club da maraton local aveva in tal avantatg ch'els n'èn betg vegnids da tshiffar el avant la fin da la cursa.

Tras quel incident bunamain bizzar ha l'Italia in nov erox da maraton e levgn festivà en tut las medias. Ch'el ha num Eyob Faniel ed è oriund da l'Eritrea vegn dentant menziunà strusch ina giada. En il center stattan l'Italia, il patriotissem e surtut la bella istorgia da l'avantatg da las enconuschentschas dal lieu. Ushè svelto po' igl ir cun l'integraziun.